



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2018. GODINU NOVOG BOŠNJAČKOG POKRETA

Broj: 03-07-6-489/19  
Sarajevo, 12.08.2020. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
Predmet revizije.....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	7

## **MIŠLJENJE REVIZORA**

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Novog bošnjačkog pokreta za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom godišnjeg finansijskog izvještaja za 2018. godinu, utvrđeno je da je Novi bošnjački pokret prekršio odredbe člana 5. stav (4), člana 11. stav (1) i člana 12. Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Novi bošnjački pokret u 2018. godini postupao u skladu sa odredbama Zakona o finansiranju političkih stranaka i člana 15.10 Izbornog zakona BiH.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine, Novog bošnjačkog pokreta.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Novi bošnjački pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>0,00</b>	<b>0,00</b>
<b>II</b>	<b>Ostali prihodi i drugo</b>	<b>10.000,00</b>	<b>100,00</b>
	<b>Izvori finansiranja (I+II)</b>	<b>10.000,00</b>	<b>100,00</b>

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke je Novi bošnjački pokret. Skraćeni naziv stranke je NBP.

Politička stranka je registrovana kod Općinskog suda u Sarajevu, rješenjem broj: 065-0-F1-14-000019 od 31.07.2014. godine, pod nazivom Stranka novog puta sa sjedištem u Sarajevu, ulica Mis Irbina broj 26/1. Rješenjem Općinskog suda u Sarajevu, broj 065-0-F1-16-000006 od 27.12.2016. godine upisana je promjena naziva stranke, koji glasi Novi bošnjački pokret.

Sjedište stranke je u Sarajevu, Zagrebačka 27.

Lice ovlašteno za zastupanje stranke je Mirsad Ćosić, predsjednik stranke.

Ovlašćeno lice za finansijske izvještaje za 2018. godinu je Amel Petrović.

Prema podacima iz godišnjeg finansijskog izvještaja za 2018. godinu, Novi bošnjački pokret nema niže nivo organizovanja.

### 3. OPIS REVIZIJE

**Predmet revizije** je godišnji finansijski izvještaj za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine, Novog bošnjačkog pokreta.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Novi bošnjački pokret u izvještajnom periodu postupao u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

**Obim revizije** finansijskog izvještaja Novog bošnjačkog pokreta, koji obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju izvršila je pregled i reviziju godišnjih finansijskih izvještaja Novog bošnjačkog pokreta u periodu od 2014. do 2017. godine, nakon čega su izdati izvještaji o pregledu i reviziji sa mišljenjem revizora, nalazima i preporukama. Nakon izvršenog pregleda godišnjeg finansijskog izvještaja za 2017. godinu, izdat je izvještaj o reviziji sa mišljenjem revizora, nalazima i preporukama stranci da izdaje potvrde o primljenim donacijama, da poslovne knjige vodi u skladu sa računovodstvenim propisima, odnosno da vodi pravilne evidencije o prihodima i rashodima, da finansijske izvještaje dostavlja u zakonom propisanom roku i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Novi bošnjački pokret nije ispoštovao date preporuke.

### 5. NALAZI I PREPORUKE REVIZIJE

#### 5.1 NALAZI

#### **a) Novi bošnjački pokret je prekršio odredbe člana 5. stav (4) Zakona o finansiranju političkih stranaka.**

Novi bošnjački pokret nije u godišnjem finansijskom izvještaju iskazao nenovčane donacije, čime je prekršio odredbe člana 5. stav (4) Zakona o finansiranju političkih stranaka.

Stranka u godišnjem finansijskom izvještaju nije iskazala nenovčanu donaciju koju je primila od predsjednika stranke Mirsada Ćosića po osnovu toga što je platio troškove zakupa poslovnog prostora koji je koristila stranka u 2018. godini u iznosu od 2.400,00 KM. Takođe, predsjednik stranke Mirsad Ćosić je finansirao kampanju za Opšte izbore 2018. godine koji su održani u oktobru, a za koje nije naveo iznos priloga.

U toku obavljanja revizije stranka je dala izjavu o korištenju poslovnog prostora stranke i izjavu o finansiranju troškova kampanje.

- U izjavi o korištenju poslovnog prostora navedeno je da je u 2018. godini stranka koristila poslovni prostor u ulici Zagebačka 27 u Novom Sarajevu u vlasništvu fizičkog lica Rabije Eminović, čija mjesečna zakupnina iznosu 200,00 KM, odnosno 2.400,00 KM godišnje, te da je navedene troškove za stranku snosio Mirsad Ćosić, koji je na taj način dao nenovčanu donaciju stranci.

- U izjavi o finansiranju troškova kampanje za Opšte izbore 2018. godine koji su održani u mjesecu oktobru stranka je navela da je predizborna kampanja finansirana nenovčanom donacijom Mirsada Ćosića na način da je osigurao promotivne materijale.

S obzirom da je fizičko lice snosilo navedene troškove za stranku, stranka je primila nenovčane donacije, koju je u skladu sa odredbama iz člana 5. stav (4) Zakona o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2018. godinu.

**b) Novi bošnjački pokret prekršio je odredbe člana 11. stav (1)<sup>1</sup> i odredbe člana 12. Zakona o finansiranju političkih stranaka.**

Na osnovu obavljene revizije godišnjeg finansijskog izvještaja i dodatne dokumentacije, utvrđeno je da Novi bošnjački pokret nije prijavio nenovčanu donaciju, nije uspostavio evidencije o svojim prihodima i rashodima, nije dostavio godišnji finansijski izvještaj u zakonom propisanom roku i godišnji finansijski izvještaj nije popunio u skladu sa odredbama Pravilnika o godišnjim finansijskim izvještajima političkih stranaka-u daljnjem tekstu: Pravilnik, čime su prekršene odredbe člana 11. stav (1) i člana 12. Zakona o finansiranju političkih stranaka.

- (1) U toku obavljanja revizije stranka je dala Izjavu u kojoj navodi da nije vodila poslovne knjige, što je suprotno odredbama člana 11. stav (1) i člana 12. stav (1) Zakona o finansiranju političkih stranaka.
  - (2) Novi bošnjački pokret je podnio izvještaj putem Aplikacije FI CIK BiH dana 29.03.2019. godine, dok je potvrdu o podnesenom izvještaju za 2018. godinu i odštampane i ovjerene obrasce u PDF formatu, dostavio Centralnoj izbornoj komisiji Bosne i Hercegovine dana 23.12.2019. godine, tj. nakon zakonom propisanog roka, čime je prekršio odredbe 3. stav (1) Pravilnika<sup>2</sup>.
  - (3) Uvidom u Godišnji obračun za 2018. godinu - Bilans uspjeha, utvrđeno je da je Novi bošnjački pokret u 2018. godini ostvario ukupne prihode u iznosu od 2.400,00 KM, a ukupne rashode u iznosu od 12.489,00 KM, dok je u godišnjem finansijskom izvještaju koji je stranka dostavila Centralnoj izbornoj komisiji Bosne i Hercegovine iskazao podatke o ukupnim prihodima u iznosu od 10.000,00 KM i ukupne rashode u iznosu od 0,00 KM.
  - (4) Stranka nije popunila obrazac 3 (izvori finansiranja), obrazac 3-a (donacije fizičkih lica) i obrazac 3-e (nenovčane donacije) godišnjeg finansijskog izvještaja, iako je putem transakcionog računa primila donaciju fizičkog lica i primila nenovčane donacije, čime je prekršila odredbe člana 13, 14. i 18. Pravilnika.
- Stranka nije u obrascu 3-a iskazala donaciju fizičkog lica u iznosu od 10.000,00 KM i nije izdala potvrde o prijemu priloga, čime je prekršila odredbe člana 14. i člana 6. stav (1) Pravilnika.

Uvidom u izvode sa transakcijskog računa broj: 1413065320121134 otvorenog kod Bosna Bank International d.d, utvrđeno je da je fizičko lice Mirsad Ćosić dao prilog stranci u iznosu od 10.000,00 KM.

Stranka je donaciju fizičkog lica u godišnjem finansijskom izvještaju iskazala kao ostale prihode.

---

<sup>1</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>2</sup> Potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjerene potpisom ovlaštenog lica i pečatom političke stranke dostavljaju Centralnoj izbornoj komisiji BiH u tvrdoj kopiji.

- Politička stranka nije u obrascu 3-e finansijskog izvještaja iskazala nenovčanu donaciju za troškove zakupa u iznosu od 2.400,00 KM i troškove kampanje za koje nije iskazala iznos.
- (5) U obrascima 4 (ukupni rashodi), 4.1 (Režijsko-administrativni i ostali troškovi) i 4.2 (Troškovi kampanje) finansijskog izvještaja stranka nije iskazala troškove koje je ostvarila u 2018. godini, čime je prekršila odredbe člana 21., 22. i 23. Pravilnika.
- U toku obavljanja revizije, a na osnovu predočene dokumentacije i izjava utvrđeno je da je stranka u 2018. godini ostvarila sljedeće troškove: trošak takse za ovjeru za učešće na Opštim izborima 2018. godine u iznosu od 10.000,00 KM, troškove zakupa u iznosu od 2.400,00 KM i troškove platnog prometa u iznosu od 88,60 KM.
  - Takođe, utvrđeno je da stranka nije iskazala troškove kampanje koje je ostvarila za Opšte izbore 2018. godine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>3</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Novi bošnjački pokret je u svrhu izborne kampanje mogao da potroši 83.527,40 KM. Novi bošnjački pokret u godišnjem finansijskom izvještaju za 2018. godinu nije iskazao troškove propagande, što ne odgovara stvarnom stanju. Stranka je u reviziji dala izjavu u kojoj je navela da je predsjednik stranke osigurao promotivne materijale, ali nije navela iznos, odnosno koliko je promotivni materijal koštao.

### **5.2. PREPORUKE**

*Preporučuje se Novom bošnjačkom pokretu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da u poslovnim knjigama i finansijskom izvještaju evidentira sve donacije, uključujući nenovčane, te da izdaje potvrde o primljenim donacijama,*
- *da vodi poslovne knjige u skladu sa zakonskim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja i popunjava u skladu sa Zakonom i Pravilnikom o godišnjim finansijskim izvještajima političkih stranaka.*

---

<sup>3</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## **KOMENTAR**

Politička stranka Novi bošnjački pokret nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

šef Službe za reviziju

Mr. sc. Hasida Gušić

Revizor

Veliborka Kenjić

Pomoćnik revizora

Anela Burdžović Kapić